



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË

Numri i lëndës: 2023:004125

Datë: 30.01.2023

Numri i dokumentit: 03915233

P.nr.15/2023

NË EMËR TË POPULLIT

GJYKATA THEMELORE NË MITROVICË - Departamenti i Përgjithshëm-Divizioni Penal, gjyqtarja e vetme gjykuese Benita Berisha, me procesmbajtësen-praktikanten Diellza Bojku, në çështjen penale kundër të pandehurit B. K. nga M. për shkak të veprës penale: Vjedhja e shërbimeve nga neni 314 par.1 të KPRK-së, duke vendosur sipas aktakuzës së Prokurorisë Themelore në Mitrovicë-Departamenti i Përgjithshëm PP.II.nr.2303/22 të dt.06.01.2023 dhe kërkesës për dhënien e urdhërit ndëshkimor, pa mbajtjen e shqyrtimit gjyqësor, jashtë seancës, me datë 30.01.2023, mori këtë:

A K T G J Y K I M

PRANOHET kërkesa e Prokurorisë Themelore në Mitrovicë-Departamenti i Përgjithshëm, PP.II.nr.2303/22 të dt.06.01.2023, andaj gjykata konform dispozitës të nenit 495 të KPPK-së, jep këtë:

URDHËR NDËSHKIMOR

I pandehuri:

B. K.nga i ati A.,e ëma S., e gjinisë N. i lindur më, në Sh., me vendbanim në rr.“M.G.”-komuna e Mitrovicës, me numër personal, i martuar, shqiptar, shtetas i Republikës së Kosovës.

ËSHTË FAJTOR

SEPSE: prej datës së pavërtetuar e deri me datë 20.04.2022, në Mitrovicë në njehsorin elektrik me numër DMI ... i pandehuri me anë të lajthimit, largimit ose mënyrave të tjera siguron shërbime për të cilat dihet se mundësohen vetëm në shkëmbim të kompensimit dhe shmangies së pagesës për shërbime të tilla ashtu që i njëjti ka bërë ndërhyrje të pa autorizuar në rrjetin elektrik duke hequr bllobën distributive të njehsorit elektrik po ashtu ka këputur kabllon e daljes dhe prej njehsorit atë kabull e ka kyçur direkt në kabllon e furnizimit në hyrje të njehsorit duke bërë kryqëzim të pikave bashkë bashkë në rrjetin elektrik jashtë njehsorit duke furnizuar tërë objektin jashtë njehsorit, me çka në këtë rast i pandehuri i ka shkaktuar dëm të dëmtuarës-kompanisë KEDS në shumë prej 214,75 €.

-Me këtë ka kryer veprën penale Vjedhja e shërbimeve nga neni 314 par.1 të KPRK-së.

Andaj, gjykata konform dispozitave të neneve 4 ,7 ,8, 17, 38, 39, 40, 43, 69, dhe nenit 314 të KPRK-së, si dhe bazuar në nenet 365, 450, 453, 463, 493 dhe 495 të KPPK-së, të pandehurit i shqipton:

DËNIM ME GJOBË

- I.** Në shumë prej 200 € (dyqind) Euro, të cilin dënim është i obliguar që ta paguaj në afat prej 15 ditësh prej ditës së marrjes së formës së prerë të këtij aktgjykimi. Në rast se i pandehuri nuk e paguan gjobën në afatin e caktuar, atëherë gjykata do të veprojë konform nenit 43 par.3 të KPRK-së , ndaj të njëjtit dënim me gjobë do t'i zëvendësohet me dënim me burgim duke i llogaritur për çdo 20 € (njëzet) euro gjobë me 1 (një) ditë burg.
- II.** OBLIGOHET i pandehuri që të paguaj shpenzimet e procedurës penale dhe atë në emër të paushallit gjyqësor shumë prej 20 € dhe në emër të fondit për kompensimin e viktimave të krimit shumë prej 30 €, të gjitha këto në afat prej 15 ditësh prej ditës së marrjes së formës së prerë të këtij aktgjykimi nën kërcënimin e ekzekutimit të dhunshëm.
- III.** Pala e dëmtuar KEDS, për realizimin e kërkesës pasurore juridike udhëzohet në kontest të rregullt juridiko-civil.

A r s y e t i m

Prokuroria Themelore në Mitrovicë-Departamenti i Përgjithshëm ka ngritur aktakuzën PP.II.nr.2303/22 të dt.06.01.2023, kundër të pandehurit B. K. për shkak të veprës penale Vjedhja e shërbimeve nga neni 314 par.1 të KPRK-së dhe njëherësh, nga gjykata ka kërkuar dhënien e urdhrin ndëshkimor-Dënim me gjobë, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se i pandehuri, vërtetë e ka kryer veprën penale për të cilën akuzohet.

Gjykata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPPK-së, që të pranohet kërkesa për dhënien e urdhrin ndëshkimor dhe në përputhje me nenin 495 të KPPK-së të jepet aktgjykimi pa u mbajtur shqyrtimi gjyqësor, si në dispozitiv të këtij aktgjykimi.

Me dispozitat ligjore të Kodit Penal të Republikës së Kosovës, për veprën penale Vjedhja e shërbimeve nga neni 314 par.1 të KPRK-së, me të cilën akuzohet i pandehuri, ligjvënësi ka parashikuar dënimin me gjobë ose me burgim deri në tre (3) vjet, që nënkupton se në rastin konkret zbatohen dispozitat ligjore të procedurës së veçantë nga neni 495 të Kodit të Procedurës Penale të Republikës së Kosovës.

Gjykata konsideron se provat e bashkangjitura në shkresat e lëndës si: Procesverbali me nr.2018690 i dt.20.04.2022, foto-dokumentacioni nga vendi i ngjarjes me gjithsej tri (5) fotografi nga vendi i ngjarjes,fatura me nr. DMIHP nga data13.05.2022, Kalkulimi i datës 13.05.2022 dhe shkresat tjera të lëndës, të gjitha këto janë prova të besueshme me të cilat vërtetohet se i pandehuri e ka kryer veprën penale e cila i vihet në barrë.

Andaj gjykata duke u bazuar në këto prova të besueshme vërtetoi se në veprimet e të pandehurit ekzistojnë elementet e veprës penale Vjedhja e shërbimeve nga neni 314 par.1 të Kodit Penal të Republikës së Kosovës (KPRK), për këtë edhe i shqiptoi urdhrin ndëshkimor si në dispozitiv të këtij aktgjykimi.

Me rastin e caktimit të lartësisë së dënimit gjobë, konform nenit 69 të KPRK-së, gjykata ka marrë për bazë të gjitha rrethanat që ndikojnë në matjen e dënimit. Gjkata vlerëson se dënimi i shqiptuar është dënim i drejtë dhe i ligjshëm dhe është në harmoni me shkallën e përgjegjësisë penale meqë rast vepra penale është kryer me dashje nga ana e të pandehurit, me intensitetin e rrezikimit apo dëmtimit të vlerës së mbrojtur në këtë çështje penale dhe rrethanat në të cilat është kryer vepra penale.

Andaj, gjykata vlerësoi se edhe me këtë dënim të shqiptuar do të arrihet qëllimi i dënimit në vështirësi me nenin 38 të KPRK-së, pasi që njëra nga qëllimet e dënimit është të parandalojë kryerësin nga kryerja e veprave penale në të ardhmen dhe të bëjë rehabilitimin e tij, të parandalojë personat e tjerë nga kryerja e veprave penale, të shpreh gjykimin shoqëror për veprën penale, ngritjen e moralit dhe forcimin e detyrimit për respektimin e ligjit. Po ashtu ky dënim do të shërbejë edhe si preventivë që në të ardhmen i pandehuri të ketë kujdes të shtuar që të mos bie më në kundërshtim me ligjin pasi që gjykata mund të ashpërsoi dënimin kundër tij.

Vendimi mbi shpenzimet e procedurës penale për paushallin gjyqësor, u mor në kuptim të nenit 450 par.2 nën paragrafi 2.6 lidhur me nenin 453 par.1 të KPPK-së, ndërsa taksa për kompensimin viktimave të krimit, në kuptim të nenit 39 par. 3 nën par 3.1 të Ligjit nr. 05\L-036 për Kompensimin e Viktimave të Krimit.

Vendimi për udhëzimin e palës së dëmtuar në kontest të rregullt juridiko-civil, gjykata e mori në bazë të nenit 463 par .1 dhe 2 të KPPK-së.

Nga se u tha më lartë, në kuptim të neneve 365 dhe 495 të KPPK-së u vendos si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm-Divizioni Penal
P.nr.15/2023, të datës 30.01.2023

Procesmbajtëse-Praktikante:
Diellza Bojku

G J Y Q T A R J A
Benita Berisha

KËSHILLË JURIDIKE: Kundër këtij aktgjykimi, i pandehuri apo mbrojtësi i tij mund të paraqesin kundërshtim në afatin prej 8 ditësh, nga dita e pranimit të tij, në këtë gjykatë.